



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

Complectens copiosè Resolutiones Theologicas, etiam modernas, ad
proxim accommodatas

Archdekin, Richard

Antverpiæ, 1682

Quæstio 20. Educatio Liberorum in hæresi, exhäuserdatio, &c.

urn:nbn:de:hbz:466:1-40873

368 Pars 3. tr. 6. Resolutiones practica ad &c.
Pertinaces autem hæretici, non numero, sed
pondere argumentorum premi debent, illos ad-
stringendo ad brevem syllogismi formam, ne
aliàs more suo extra chorū saltent, & ad per-
erga digrediantur, qui instar callidæ feræ prius
disputantem fatigant, quam se retibus includi-
finant. In hanc rem syllogismos & dilemmata
ad quæ hæretici adigantur in præcipuis fidei
controversijs, superius formavimus in part. I. cap.
10. à pagina 107.

QUÆSTIO XX. *Educatio Liberorum.*

AN licita sint in conjugijs pacta educan-
di liberos, partim in hæresi, partim in Ca-
tholica religione?

Respondeo, cum Tannero de matrim.^{disp. 8.}
^{q. 4. dub. 5. n. 91.} tale pactum per se im-
pium & irritum esse. Quia jure divino tenentur
parentes filios suos ad veram Religionem, infor-
mare, cui obligationi nullo pacto renunciare
queunt. Potest tamen casus obvenire, quo ma-
trimonium cum persona hæretica licitum, mul-
tumque momenti habiturum videatur ad publi-
cum bonum promovendum, neque tamen à
conjuge, v.g. marito, ullo modo obtineri possit,
ut tota proles in Catholica tantum religione
educetur: tunc licitum erit hac ratione pactum
instituere, ut scilicet aliqua pars prolis, marito
non impediens ad Catholicam religionem in-
formetur; nihil interim quoad cæteros liberos
præjudicando juri Catholicæ matris, quò minus
operam suam adhibeat ut Catholicæ fidei imbu-
antur. Probatur hæc resolutio, quia si nullum
hujusmodi pactum aut cautio adhibeatur, mo-
raliter certam est omnes liberos ex eo matrimo-

Pars 3. tract. 6. Resolutiones practicae ad &c. 569
nio suscipiendos, ex prævalente patris arbitrio, in hæresi educandos fore; ergo si aliqua suppetat via per se non illicita, quâ faltem aliqui liberi conserventur, ea adhibenda est: talis autem via per hujusmodi pactum obtinetur: quia cum iuri materno quoad cæteros liberos non præjudicet, sed solum patris violentiam ex parte coercet, non est cur tale pactum per se & intrinsecè malum existimetur. Imo quia in tali casu per se malum non appetit, omnino licet ac prudenter adhibendum erit. Si, ut dixi, connubium illud, & aliquorum liberorum periculum longè majori bono compensetur: quamvis hunc casum vix hactenus Theologi artigerint.

Quæritur secundò, An parens Catholicus filium aut filiam in Hæresi persistentem alere teneatur?

Respondeo, Si filius aut filia hæretica egeat alimentis ad vitam simpliciter necessarijs, ea debere à parente subministrari; hoc enim jure ob hæresim non privantur. Si verò de alimentis ad vitam necessarijs aliunde eis prospectum est, eo quod ex proprio labore, aut industria, aut ab alijs amicis ea possint obtainere juxta decentiam sui status, non tenetur parens per se illis alimenta præbere quamdiu in hæresi persistunt, uti docet Azor inst. moral. part. 2. l. 2. cap. 4. quæst. 10.

Quæritur tertio, An parens possit exhæredare filium qui à Catholica Religione defecit?

Respondeo affirmativè, lege communī. Causam enim hanc exhæredandi disertè adstruit Iustinianus in Authentica, *ut cum*, in his verbis: Si quis de prædictis parentibus orthodoxis constitutus, senserit suum filium vel liberos non esse Catholicae fidei... licentiam habeant pro hac maximè causa ingratos eos, & exhæredes inscribere

570 Paris 3.17.6. Resolutiones practica ad &c.
bere testamento. Consentunt passim Doctores,
ac fusè Molina de justitia, aliquæ.

QUÆSTIO XXI. *Vsus Styli veteris.*

AN in partibus hæreticorum liceat Catholicis
transferre Pascha, & alia Festa mobilia, eo
quod hæretici usum styli veteris observari ve-
lint?

Ad hanc quæstionem solum reperio Lessium
respondere in posth. ver. hæreticus cas. 7. qui
resoluit ubi Calendarium Romanum Greg. XIII.
receptum est, & usu annorum comprobatum,
non posse Catholicos pascha, & alia mobilia
festa transferre, eo quod hæretici antiquum Ca-
lendarium velint servari: quia scil. hæretici non
possunt legem aliam de celebrandis festis talibus
temporibus abrogare, sicut nec Natalitiam Domi-
ni transferre, nisi gravi periculo urgeantur.

Sed non possum huic resolutioni cum Lessio
acquiescere: statuamus enim ab hæreticis occu-
pari Bredam, aut aliam urbem, vel Provinciam,
ubi Calendarium Gregorij XIII. cum stylo novo
annorum usu receptum fuit; jamque ea in urbe
publico ritu ex norma styli veteris omnia tam
facra quam profana peragi ac computari: nullâ
fanè ratione poterit solidè probari citem Ca-
tholicum teneri in observatione festi paschalis,
aut jejunii quadragesimalis, à publico istius loci
computu ac stylo recedere, etsi absque magno
familiae suæ detrimento id præstare possit: qui-
nimo in partibus hæretico Domino subjectis u-
bi longè prævalet numerus Catholicorum, uti
in regno Hiberniae & quibusdam locis Hollan-
diæ ritu styli veteris pascha aliaque festa cele-
brantur, Pontifice sciente, & illum usum nun-
quam haçtenus improbante.

QUÆS.